

ձապետի ժամանակագրությունում» ասված է. «Ասպետները, որոնք ժառանգությունից զրկված էին, կամ որոնց երկրները Սարակինոսը զրաված էին և տիկինները, որոնց ամուսինները վախճանված էին և որը օրիորդներ, գնացին հոն Կիպրոս և Կիևի թագավորը տվավ անոնց առատ երկրներ և չկար մեկն, որ հոն երթար և որուն նա առատ երկրներ չտար»⁴⁸:

Հետևաբար, Կիլիկիայում ևս 12—14-րդ դարերում արտաքին թշնամիների դեմ մղված երկարատև պատերազմից հետո շատ բնական էր, որ առաջանար աղնավականների մի դասակարգ, որի հիմնական զբաղմունքը լիներ ֆեոդալի մոտ զինվորական ծառայություն կատարելը, հույս ունենալով վարձատրվել: Ուղեմական ավարով կամ գերիների փրկագնից ստացած եկամուտներով: Սմբատ սպարապետը արձանագրելով այդ փաստը գրում է. «Բայց և զյիշվելուցն և զշահերոյն բաժնելն պատեհէ՝ որ զրենք... Եվ ինչ շահ կենա՝ բոլորին ալն է՝ որ զամենն յիրար քշեն, ու կէսն թաքսորինն է և կէսն ալ իշխանացն՝ ըստ իրենց մարդաթվին չափոյն ի յիրենց վերայ բաժնեն: Ապա... բոլորենն ու բամբակեղենն և պղինձն ու երկաթն զարացն է»⁴⁹:

Փրկագնից ստացված եկամուտները զինվորականների միջև բաժանելու մասին է խոսում հետևյալ վկայությունը. «Յարձակեալ, ապա քաջն Թորոս ի վերայ ժողովոյն հունաց՝ զբաղում էսպան և զհողով Սևաստիօսս գերի տարեալ ի գղեակն. վաճառեաց ընդ ոսկոյ կայսերն էմմանուելի և զանձն բաշխեաց իւրոց զօրուն»⁵⁰:

Ինչպես նրուազեմի թագավորությունում, այնպես էլ Կիլիկիայի հայկական թագավորությունում՝ զինվորական ծառայությունը հիմնականում կատարվել է սինյորից ստացած ֆեոդի և ուճիկի դիմաց: Ռոճիկ ստացող ձիավորները նրուազեմի թագավորությունում կոչվում էին «Soudoyer»-ներ, այսինքն բառացի՝ ուճիկ ստացողներ, որոնք ուճիկ էին ստանում փողով և բնամթերքով՝ գյուղացիներից զանձված բահրայով: Պահպանվել են վկայություններ soudoyer-ների ստացած ուճիկի և բահրայի չափի մասին: Այսպես Ջոն Մարգատ հեծելվոր վասալը, որը վասալական կախման մեջ էր գտնվում Արսուֆի սենյորայից, ստանում էր ուճիկ դրամով՝ 200 բյուզանդ, և բահրա՝ որոշ քանակությամբ ցորեն, յուղ և այլ մթերքներ, որի դիմաց նա պարտավորվում էր սենյորին ներկայանալ 4 ձիով⁵¹:

Սմբատ Սպարապետի «Դատաստանագրքում» և ներսես Շնորհալու «Թուղթ Ընդհանրական»-ում վկայություններ կան Կիլիկիայի հեծելվորների և զինվորականների ուճիկ կամ թոշակ ստանալու մասին: Այսպես, Սմբատը, համեմատելով հոգևոր ֆեոդալների ստացած եկամուտը եկեղեցուց ձիավորների ստացած թոշակին, գրում է. «Վասնզի ամէն եկեղեցական հայնց է հաստատած ի յիր ապրանքն ի սուրբ եկեղեցոյն ծառայութենէն՝ զեղ հեծելվոր որ թրովն իր ալն է զթոշակն»⁵²: Ներսես Շնորհալուն «Թուղթ Ընդհանրականի» «Առ իշխանս որ ընդ աշխարհի» բաժնում դիմելով իշխաններին գրում է. «Նաև զին-

⁴⁸ «Բագմավեպ», 1913, էջ 288—299: Chronique d'Ernoul et de Bernard de Trésorier publié par M. L. De Mas Latries, Paris, 1871.

⁴⁹ См бат Спаранет, Судебник, стр. 11—12.

⁵⁰ «Սամվել քահանայի Անեցոյ հավաքմունք ի գրոց պատմագրաց», Վաղարշապատ, 1893, էջ 216—217:

⁵¹ Rey, Les colonies Franques en Syrie, p. 24.

⁵² См бат Спаранет, Судебник, стр. 21.